

第一百二十六冊

卷二百四十三

列女傳五

新纂雲南通志

盧漢題



新纂雲南通志

卷之二十一

新纂雲南通志

盧漢
盧漢

新纂雲南通志卷二百四十三

列女傳五

大理府二

清

魏氏女大理人名永齡魏恩隆女刲臂以療母與妹之疾卒以此致疾歿

周張氏大理人周之鼎妻咸豐丙辰大理城陷率子金安女煥第自焚死

趙蘇氏大理人蘇喆園女適縣城小街子趙某咸豐丙辰大理城陷率一家十餘口自焚死

張蘇氏大理人蘇明園女適縣城張某丙辰城陷率子自焚死

趙采桃大理洱濱村人趙春榮女已字同村趙姓子未婚值王匪至與鄰婦避茨樹蓬中匪搜獲欲辱之女不從戟指罵賊賊斷其手猶罵不絕口遂被殺

張問樞妻章氏大理人赴市販物品途遇匪欲逼污之氏罵賊不從遂遇害

楊席氏大理人舉人楊履寬妻履寬旣因母歿哀痛過甚小祥後竟卒氏經營其夫喪葬畢約距夫歿百日後亦寢疾不起

楊氏女大理進士楊正觀女未婚夫歿矢志守貞年六十餘歿

楊五雲大理人處士周榛妻年十八歸周爲冢婦事重慈遇姑叔禮意週至咸豐間遭匪變夫却僞命避居授徒氏以針黹助炊爨幼涉書史嘗署楹聯曰鴻按相莊偕隱處鶴枝許借亦團欒尤善家庭教

育生子女五讀書習字氏皆親授服食言動不令越法度其後宗洛宗瑩宗麟皆成名

奚李氏大理人性和厚識字善記二子恭忱少時及長孫冠南未就外傅氏恆以治家格言等書教之後二子遊黌宮冢孫官至少將悉秉氏之教也夫念菴歲貢生一意講學授徒氏治內之外兼經理商業一家衣食賴以裕如邑中謂爲如氏者只兩人耳

李張氏大理人昭武都尉李鍾俊妻未婚時值咸豐六年杜文秀陷大理城母陳携氏奔避洱濱欲渡海而東舟子以無貲不令上船尋見城匪追至恐受辱急跳身入南湖塘中少頃匪去一息尙存援檣枝而生于歸後夫以末秩羈他邑無餘財贍家氏以繪花辦母子粗糲苦已不堪知季子玉振可以成名乃令長子玉瑞次子玉坤改習

藝專供季子讀書親友見氏家窮困若此多勸氏輟季子讀氏婉言謝之後季子終成進士氏以子貴贈恭人

陸嘉平大理人內閣中書張士鏞妻幼慧工詩善鼓琴隨夫奉職燕京中書故俸薄氏力從勤儉以勉強摺拄夫歿後撫子耀曾成人仕至司法總長

張士鐔妻段氏大理人深明大義兄嫂繼歿氏以所生女寄養於他門取兄遺子而乳之至於成立其夫隨弟宦遊粵中曾寄氏三十金以濟家用迨夫回里氏出三十金置棹上語夫曰所寄金尙在也其賢能若此

太和張映珂妻武氏黑井人咸豐丙辰之亂映珂以諸生從官軍轉戰至鹽興聞武氏賢始委禽焉氏年財十七隨夫展轉兵火中以知

自全並以計全夫同治癸酉大理克復映玥以功叙花翎同知未引見而卒時氏年四十子大義只十三歲耳映玥卒以後家甚窘氏督課大義綦嚴不以孤子故稍寬假大義尋以縣文學生考列優等補廩膳生聲稱藉甚以束脩膏火養母能得歡心氏年七十有八以疾卒於北平

採訪

楊趙氏大理人楊尙琳妻有孝行兼饒才智值亂世多盜氏恐翁驚畏加意防護一夕盜至氏之女伴翁上樓去梯避之氏驚覺冒險開門以柴塊擊地盜驚走翁得無恙鄉里稱其才

楊坤妻祝氏太和人年十九夫卒誓死守撫一女贅趙氏子听夕勤勞以鍼紉贍家計後育一孫名楊趙藩氏有陶孟風好施與凡有善舉無不熱心鼓吹年七十餘卒

張學海妻章氏太和人夫官千總歿時氏年三十矢志守節撫一女
成人歸涂姓不數年女與婿俱歿遺三子氏撫之成名且均爲之娶
室年八十餘卒

蔡冀楊妻周氏太和人青年守節而氏母家無嗣以針黹度日辛勤
耐勞撫內姪女成人入贅以延宗祧年六十餘卒

董家綸妻嚴氏太和人青年守節紡績養姑撫姪廣業入庠成人年
七十卒

楊時清妻嚴氏太和人青年守節孝事翁姑勤勞治家織機之下對
燈課子子世勳賴以成名里人稱之

楊鴻升妻朱氏太和人夫文生早歿遺五子家貧氏青年守節針黹
度日勤勞撫子卒年七十餘

楊秀山妻李氏太和人夫歿子幼夫弟欲奪嫁之氏矢志不去朝耕夜績撫子成人完婚七日新婦患痘歿後娶李氏女生子五女二年七十三卒

文生蘇興午妾黃氏太和人夫歿氏年十九撫子嘉訓成家入泮守節三十八年

楊李氏太和人楊經之祖母年二十五守節撫孤事翁至孝翁嘗臥病甚篤氏割股以救翁遂愈後其子成立隨大軍攻姚州勉之曰汝盡心國事勿以吾老爲念以忠作孝可也子歿於軍李氏又撫孫如子年七十卒

吳宗聖妻吾氏太和人夫病割股救之不愈夫卒年二十九紡績爲生守節三十四年

張侶梅女太和人幼字劉氏子未嫁劉往遠方貿易十有餘年女依父母足跡不履門閥一日劉凶耗至女悲泣毀妝誓不再字父母歿女益自矜持針黹度日咸豐十一年九月卒年六十有二

王元聘妻楊氏太和人邑人知縣楊以敬女幼字提標營把總王元元從征楚雄咸豐六年變起氏從父避亂四方備歷艱阻勵志苦堅豪強莫敢奪也年四十五守貞而歿

萬國治妻芮氏太和人廩生芮永茂女歸國治生男二女二國治卒長男相繼歿會家計愈艱子女皆賴氏撫成丙辰之亂次字繩武隨文提督攻姚州時大理陷氏年六十二女年二十已許字同邑楊兆元賊忽入室逼之氏母女罵賊自刎重傷未死爲賊所殺國泰妻黃氏弟媳周氏蔣氏堂孀葉氏侯氏同時死之

趙蘇氏太和人趙柳春母咸豐六年八月城陷後柳春被執刑脅從逆柳春乘間逃往官軍營內賊知之拘蘇氏並其妻盧氏逼令改嫁不從賊拆其屋均自縊死

楊俊之長女太和人幼字李氏子未婚夫死誓不再嫁願事父母終身由是足跡不履門閥言不苟笑咸豐丙辰父歿遂自盡

趙濤妻張氏太和人青年守節家甚貧事翁姑撫幼子克盡婦道丙辰變起其翁廷謨被賊傷害氏躬親掩埋後率子從姑投井自盡趙汝植妻王氏太和人咸豐丙辰避亂三塔寺村賊至汝植被害氏情急憤罵賊以少艾不欲傷勸之罵愈厲賊怒殺之

文生吳兆昌妻何氏太和人咸豐丙辰之亂室家相失賊艷其色欲劫之去時其翁與外祖皆被殺在旁氏守屍哭不忍去賊偵知其情

即掩屍以悅之氏復以尋姑言賊仍從之至洱賓與姑遇氏與姑訣畢抱一子赴水死賊服其節咸稱歎之

李恆吉妻趙氏太和人居於鄉嫁逾年夫歿善事翁姑撫育幼子翁姑卒喪祭盡禮後子死撫孫成人丙辰之變家業盡毀氏勉力結茅日夜紡績以供饘粥同治十一年大理克復大喜因焚香祝天曰氏畢生歷盡人間辛苦爲李氏宗嗣計耳今得見太平孫子成人可見先靈於地下矣祝畢哭倒在地家衆扶起至夜遂歿時年六十有五程學曾之女太和人咸豐六年八月城陷避亂三塔寺村及村破賊艷其色脅之不屈大罵被殺其二子在旁亦被殺

楊昭妻魏氏太和人咸豐六年八月城陷賊至其家氏大罵被賊殺而支解之

沈姓女僕來鳳太和人咸豐六年八月變起隨街鄰堵禦鎗傷斃命
蔡呂氏太和人澄齋弟媳幼事詩書明大義夫死不嫁撫遺孤榆城
陷隨澄齋避難麗江時澄齋以統兵張正泰勒捐拘禁死於非命氏
以孤嫠遽失調護禍將不測懼難自保其貞賦絕命詩一章其詞云
爲人誰不樂餘生我樂餘生恐損貞平地風波如此急漫天雨雪料
難晴義昭往日撫孤子節盡他鄉後伯兄安得天公憐苦志重泉嫠
婦也冤明乃笑謂姪芳春曰我一婦人耳死無足惜幸無忘爾父臨
歿之言斯謂之孝矣遂自縊死

白雲津妻張氏太和人雲津割股救父傷重值世亂無地延醫氏又
割股以救雲津未愈卒氏年十七夫繼翁歿艱苦萬狀且爲營葬哀
毀欲以身殉因念子絢春尙在襁抱無人撫持恐墜宗祧不得已携

子逃生迨亂平撫絢春入武庠卒年七十餘清旌表焉

熊翽之女榮弟太和人年十六未字值亂烽火連天棲身無地其父以家累不能逃暫避東城爲賊搜獲翽與弟不屈罵賊亡翽妻張氏賊欲納之不從亦被害幸榮弟有智謀慮宗祧無人率幼弟以誠由後門逃出欲渡海賊追及逼之堅決不從放聲大罵賊以戈刺腹死賊去以誠伏尸痛哭聞者爲之淚下時丙辰九月一日

楊經妻李氏太和人家貧而孝貌美而賢翁逝氏養翁無怠經充提標右營書記月支薪米不敷賴氏縫紉助之氏給之曰能葬吾夫三日後以禮嫁賊如其言厚葬之氏赴墓所致祭是晚引刀刺喉死時年二十四歲

楊德成妻李氏太和人丙辰變起偕姑往田獲穀賊見氏美欲掠之

再三不從姑見賊持刀凶很勸媳暫允氏罵聲不絕賊憤甚遂殺之
副榜楊士元妻柳氏太和人丙辰城陷氏携子避亂賊脅之不從大
罵賊被殺

楊大伸妻高氏太和人丙辰變起年三十賊入門欲劫之去不從賊
怒將殺之氏佯允以次日爲約賊遣人守其第至夜伺守者睡熟遂
縱火焚死

蔡芮氏太和人隱士蔡永清之母也咸豐六年八月城陷氏挈長女
陳蔡氏避於城東之普賢寺爲匪所逼母女同赴潭水死亂平族孫
春芳爲請旌焉

張祿妻陳氏太和人咸豐六年變起城將陷促夫携子遠逃服毒殉

節

武生陳常妻吳氏太和人丙辰城陷遇賊不屈大罵被殺

黃萬清妻楊氏太和人丙辰變起萬清出師在外氏恐被污携二子付族人以存宗祧氏竟服毒死

楊國棟妻何氏子光宗妻趙氏振宗妻杜氏均太和人咸豐八年因國棟與賊戰爭賊知其家殺其婆媳三人

劉保妻余氏太和人丙辰城陷保被害氏率媳趙氏墜井殉節

楊德成妻趙氏太和人丙辰城陷賊四路突出肆掠遇氏欲逼之不屈被殺

魏國林妻衛氏太和人丙辰之變夫戰死氏率三女服毒自盡

趙元本妻何氏太和人丙辰之亂元本中礮傷亡比葬夫畢赴鳳眼洞投岩死

李翰妻熊氏太和人丙辰之亂賊入其家大罵被殺

陳曾妻宋氏太和人青年夫歿丙辰城陷懼辱服毒殉節

世職楊長春妻范氏太和人丙辰城陷長春勦匪陣亡氏舉火自焚
熊翊妻張氏太和人丙辰城陷被執不屈賊怒殺之

楊懷哲妻王氏太和人夫病割股以救丙辰之亂懷哲被殺氏服毒
死子炳痛父母亡投井死未婚媳黃氏亦服毒死

李德潤妻徐氏太和人丙辰城陷徐氏懸樹自縊其子士傑妻張氏
哭葬其姑畢亦自縊於樹

趙增之胞姐定姑太和人幼字陳氏子未婚變起陳氏携與俱逃城
陷賊肆掠女恐被汚服毒死

楊復其妻李氏太和人同治壬申夫歿氏年二十餘有欲奪其志而